

Monte nuovo. A sier Piero Contarini qu. sier Zuane Saba e figlio, so' parente per via di sua madre, ducati 1500 di Monte nuovo e la metà di l'hostaria dil Gambaro in Rialto, perchè l'altra mità è di diti Contarini. *Item*, lassa tutto il suo Monte vecchio, che havia in più sestieri, ducati 500 per paga, a quasi tutti monasterii di frati Observanti *ut in testamento*, con questo dicano ogni zorno una messa per l'anima soa, *videlicet* dodici messe perpetue. *Item*, a la Certosa ducati 2000 di Monte novo, dove vol esser sepolto in la soa arca, dove è suo fradello et sua madre. *Item*, a la Scuola di la Misericordia ducati di Monte novo, e altri legati assai a soi servitori e amici, in tutto zercha ducati 500 contadi. *Item*, lassa li soi procuratori comessarii a exequir questi *legati ad pias causas*, et lassa ducati 5 per uno a l'anno. *Item*, ai frati di san Zorzi Mazor ducati 4 a l'anno per una pialanza per far uno aniversario per lui. *Item*, a tutte 9 Congregation ducati 5 a l'anno per una, per far uno aniversario. *Item*, che 'l suo mobele, excepto quello lassa a li soi servitori et servitrice, sia venduto al publico incanto, et dato *amore Dei*. *Item*, lassa quatro comessarii, sier Lucha Trun, sier Gasparo da Molin, sier Bernardo Marzello et sier Zuan Lion sopraditto. *Item*, lassa a esser sepolto con la soa Scuola tutte novè le Congregation.

193 Et intra in suo loco sier Antonio Mozenigo di sier Alvixe el cavalier electo secondo per aspectativa Procurator; ma perchè sier Vettor Grinani no pol esser in questa Procuratia (*ov' è*) sier Marco suo fradello, esso Mocenigo intrerà; ma in la caxa intrerà sier Marco Grimani procurator.

Da poi disnar fo Gran Consejo e fato do scurtini, *videlicet* Baylo e capitano a Corfù rimase sier Justinian Morexini fo cao dil Consejo di X qu. sier Marco, et Consolo a Damasco in luogo di sier Barbon Morexini refudò ussi per scurtinio sier Francesco Zen fo patron in Alexandria qu. sier Alvise, ma a Gran Consejo cazete di assà balote di sier Alexandro Pixani fo sora le camere, qu. sier Marin, el qual *etiam* fo soto in scurtinio tre balote. *Item*, fo fato de Consejo de X sier Nicolò Zorzi fo capitano a Brexa, e al luogo di Procurator sier Homobon Gritti è di la Zonta, qu. sier Batista, et una altra vox. Et per l' hora tarda quatro vox andò zoso.

Fo publicà per Gasparo di la Vedoa vicecanzelher grandando una parte presa nel Consejo di X a di 7 di l' instante, zercha addition a la parte fo presa, che non si potesse più far gratia ad alcun condannato per li Consigli, etc., si non per tutte le balo-

te, etc. Cussì azonseno *etiam* per ditto Consejo de X non si possi far alcuna gratia a quelli saranno condannati per li rectori nostri di mar e di terra, *ut in parte*.

Noto. Questa matina et ozi il Serenissimo era vestito di scarlato per la morte di la moier fo di sier Andrea Zane qu. sier Polo fo Lombarda, il qual sier Andrea fo fradello di sua madre: ben havia in capo bareta di veludo cremexin.

Et acadele ozi, che hessendo venuto la prima volta a Consejo uno sier Zuan Batista Trun qu. sier Silvestro, qual *noviter* è stà riscatà per sier Zuan Vituri provedador in Dalmatia, qual era schiavo de turchi in Bossina zà anni 7, et per ducati 130 in zercha pagati dil suo esso sier Zuan Victuri l' ha liberato, et provato l' età ozi vene al primo Consejo con mantello per la morte di sier Antonio Trun procurator, et non havendo pratica al capello dove stava, sier Antonio Justinian dottor, consier, qual ha do busi, messe la man do volte in li capelli credendo forse per haver do busi poter meter do volte la man e cavar do ballote, et visto per il Serenissimo, fo chiamà et mandato zoso a le leze, e cussì fo publicato; sichè questa è la sua sorte, qual 193 è di star mexi 6 privo di Gran Consejo, et uno mexe in preson, et cussì fo mandà a le prexon.

Et si vene zoso a hore 24, et vene l' ammiraglio dil porto a Gran Consejo a portar letere di Cypro venute con la nave di sier Marco Malipiero qu. sier Perazo patron Bigarelli, et disse a boca, come sora Baffo la nave di la qual era patron sier Hironimo Contarini qu. sier Andrea era rota. *Item*, per avanti zà 3 zorni se intese una altra naveta di Trivixani da la Zueca, veniva di Corfù, era rotta sora Hor sopra ditto nave Contarina di bote qual veniva di Alexandria con colli 36 di spezie suso, andò in Cipri per cagar formenti et orzi, et a Baffo su le seche si rompete, et li homini scapolono.

Di Constantinopoli, di sier Piero Zen orator nostro, fo letere, di 29 Novembrio. Come el Signor turcho havia fato paxe col Sophi, e li oratori del Sophi e dil signor erano stà introducti da li bassà davanti el Signor, al qual haveano presentà li presenti, *videlicet* uno cavallo con fornimenti bellissimo, con zoie, veste d' oro et Et che andono a disnar con Embrai bassà. *Item*, che Curtogoli era partito con per andar a Rodi, havia promesso a l' Orator far bona compagnia a li nostri navilii passerano de li via. Et havia donà una sua caxa in Constantinopoli a la